

中興禮書

中興禮書第二百八十五卷

凶禮五十

安恭皇后

議謚號

乾道三年七月一日禮部太常寺言國朝園陵故事尚書省集官擬謚係用侍從臺諫以上并禮官集謚六曹郎官以上書謚今來大行皇后集謚欲依上件事伏乞朝廷取旨降下集謚日分太史局送到七月七日壬寅二十一日丙辰詔用七月七日

同日又言檢照孝明孝惠皇后典故俟百官議定謚號制下之後行冊之前止命官告太廟訖上於靈座今來來大行皇謚號乞依上件典故俟集官議定謚號勅下

後奉用之前遣官奏告太廟別廟訖奉誼冊寶上於靈
座詔依

同日又言今來大行皇后上僊依禮例合差撰議官一
員詔差王曠

六日禮部太常寺言今來俟誼號勅下後奉用之前依

安穆皇后禮例遣官奏告太廟別廟今具合行事件下

項 一奏告日辰候勅下日乞令太史局選定一合用

御封降真香一十三合祝文一十三首

用前朝奏告之意 一合用白幣一十三段各長一丈八尺 熟白絹充

一奏告每室各合用酒脯鹿鷄茅蠟燭上香水炭等並

乞令臨安府排辦 一奏告官一員依禮例係差南班

宗室充 一光祿卿奉禮郎太祝太官令各一員乞令

太常寺官充詔依

十七日禮部尚書周執羔等言臣聞厚載承乾備動靜
有常之德靈陰儼日全著明莫大之功惟君宅尊立后
作配蓋五教天叙之典而二南王化之基以綱大倫以
熙內治嬪虞之媯汭翼夏之塗山或來嫁于周京或親
迎于渭涘自家而刑國振古而至今是故建位而按漢
儀生則冠長秋之號定名而攷周諡沒則流永世之芳
授厥所元誠百王不易之彝憲也恭惟大行皇后軒象
鍾輝層沙儲慶出炳倪天之異蚤彰偃月之休淵覲其
衷柔明而慧哲玉粹其度和懿而溫文自相宗藩肆婉
宸極居守箴圖謹法度也動循環珮肅威儀也澣濯而
服崇節儉也鷄鳴而起勤輔佐也弗遁濯龍之游而思

賢之憂切弗素貫魚之序而建下之仁均有警戒之道而屢省休成無險詖之心而盡捐私謁至若靈成於九廟致養於兩宮銜統紘緹隆禮以奉宗祀之重總筭櫛縱思媚以盡婦道之常以贊奉先之誠以助寧親之孝此徽德令範遐哉卓乎不可尚已芳齡未究淑命弗融黃屋興悲彤闈隕涕禕禴之不御詔典冊之可稽問諸外朝謀及卿士參之大同殆將照鴻號於無窮也謹按謚法曰莊敬盡禮曰安敬事尊上曰恭大行皇后中正齊莊率履弗越茲不曰安乎雍怡祇順謹事匪懈茲不曰恭乎揚甚盛之名表最高之行豈不慰神心而當輿議哉伏請謚號曰安恭皇后謹議詔依

十九日給事中兼直學士院兼侍講王暉奏臣伏奉勅

命差臣撰大行皇后諡號者臣謹上議曰歷選列辟之
興必有內治之助四妃登于帝馨二女釐于有虞塗山
翼夏后之昌太妃配文王之聖於時諡行未及婦人中
古以還禮文聿具則有備物顯用極位號於生前祿典
愍書致追崇於歿後有若安正順承以象坤元之至直
方敬義以昭地道光之乃知揚徽音表懿行受大名而
惟稱節壹惠而可書垂百世以常存有兩言而可定恭
惟大行皇后玉粹其度淵靚而哀慶推渭涘之祥德載
河洲之美日角偃月則異表之茂龍星麗天則正位之
符厥自綸翟撰儀穀圭啟瑞金螭玉檢以焜燿於宮壺
文織絲組以寅奉乎齊明無險詖私謁之心有警戒相
成之道若其服勤蘋藻率以禮也動中環佩翼以敬也

袿裳無飾節以儉也貫魚有序施以恩也謹七篇之誠躬四行之先何其賢也玩聲詩之長得風雅之致何其文也方饗紫闈之奉俄罹白柰之詳想遺音而不聞悵陰儀之遂闕萬目痛新宮之飾皇心懷故劍之悲宜陳誅行之文以正易名之制謹按謚法莊敬盡禮曰安敬事尊上曰恭今大行皇后防抑逸欲而內無出閭之言杜絕奢盈而權無私昵之授非莊敬盡禮乎勞心曲體以躬嬪則之柔秉禮合章以謹尊親之奉非敬事尊上乎伏請上謚號曰安恭皇后詔依

奉謚冊寶

乾道三年七月四日禮部尚書周執羔等言今來皇后上僊今檢照禮例合行修製謚冊寶并沿用寶法物今

欲乞依禮例施行詔依

同日禮部太常寺言今來大行后皇奉諡用寶依禮例合差撰諡用文官一員書諡用文官一員篆諡寶文官一員詔撰諡用文官可差將帑書諡用文官差陳俊卿兼篆諡寶文官

九日禮部太常寺言將來奉大行皇后諡號用寶上於靈座前行禮今檢照懿節皇后禮例條具事件下項

一奉諡用寶日依禮例皇帝前後殿不視事是日百司作休務假一日 一奉諡用寶上于靈座前禮畢日依禮例文武百僚詣後殿門外進名奉慰 一依禮例合前二日奏告天地宗廟社稷宮觀 一奉諡用寶上于靈座前合用御封降真香一合所有太傅以下行事官

并陪位文武百僚依禮例並服常服黑帶權去金玉飾立班行事 一靈座前用香爐匙合等乞從都大主管所行下所屬排辦其合用供養食茶酒果乞從主管諸司排辦 一行禮畢其諡冊寶并沿冊寶法物依禮例於別殿安奉令本殿官交割收管至發引日降出交付禮部陳列 一修製諡冊寶了畢擇日行奉諡冊寶之禮欲乞依例令文思院約度畢工月日申太常寺下太史局選定日辰報本寺申請 一依禮例專差內侍官二員掌管進呈諡冊寶訖降出乞下入內侍省差官乞令文思院於奉諡冊寶上於靈座行前禮二日奉諡冊寶計會所差內侍進呈訖於前一日降出詣祥曦殿門外交付禮部以俟從衛至諡冊寶輦安奉至日行禮

一今來奉誼冊寶上於靈座前合差都大主管官一員乞就差大行皇后喪事都大主管官一就主管施行一依禮例奉誼冊寶太傅以下行禮官都大主管官等並各於奉上前一日宿齋今欲乞前一日太傅自祥曦殿門外從冊寶至恆次退宿齋於都堂其餘行禮等官並宿齋於本司至日絕早赴別殿行禮一合差讀寶官一員讀冊官一員乞差侍從官舉冊官二員舉寶官二員差禮部太常寺官並前一日宿齋於本司詔依同日禮部太常寺言將來大行皇后奉誼冊寶上於靈座合差太傅一員依禮例係差宰臣詔依十七日禮部太常寺言奉誼冊寶上於靈座前合用日辰太史局選用七月二十四日巳未時宜用其日乙時

詔依

同日又言今來大行皇后諡號已降勅下欲乞應干行
移等依禮例候奉上諡號冊寶了日合稱安恭皇后其
修製諡號冊寶內寶文欲乞以安恭皇后之寶六字為
文詔依

十八日禮部太常寺言七月二十四日奉大行皇后諡
冊寶上於靈座前依禮例前二日奏告天地宗廟社稷
天慶觀報恩光孝觀太乙宮各合差奏告官一員乞差
侍從內宗廟差南班宗室詔依

二十一日大行皇后喪事都大主管所言據太史局狀
今月二十四日大行皇后奉諡冊寶畢合依立安恭皇
后銘旌時宜用其日丁時所有換下大行皇后銘旌宜

於本殿正南偏西丁位歲空方焚燒詔依

誥冊文

維乾道三年歲次丁亥七月丙申朔二十四日己未皇
帝詔曰古我先王必立厥配釐爾女士爰御于邦治蓋
自於家齊風實繇於近始茲本人倫之至式恢王化之
基帝女子時乃降偽汭天作之合是嬪周京睟于內助
之良媿彼前聞之懿方共資於淑範俄永謝於徽音重
翟副珈生既有以極其寵襃章慈用沒則有以揚其休
大行皇后夏氏婉嫕而純明閑和而靖順卓爾挺操在
河之洲穆然凝輝于渭之涘蚤兆玉衣之瑞合承金幄
之華含章在中發秀于外粵從初載實相潛藩肆朕纂
承嘉乃輔佐夙夜警戒而有相成之道朝夕思念而無

私謂之心推樛木逮下之仁樂闕雖進賢之義服泮濯
 而崇大練以純儉為民彛謹珩璜而應和鸞以肅雅為
 嬪則造次動遵於圖史從容雅播於聲詩鷄初鳴而至
 寢門同謹兩宮之問蠶於郊而供祭服每虔九廟之承
 薦榛栗於舅姑奉棗盛於宗廟朕方上隆孝道親親而
 天下平爾能中叙壺儀婦婦而家道正自建長秋之位
 甫臨再閏之期何馳隙於分陰頓沉光於曉魄當厚飾
 終之典用摠悼牲之懷訪厥攸司詠之列辟按柔芳於
 彤管考茂實於椒塗大酌僉前共熙鴻號謂治內盡安
 行之德宜循由舊之稱謂奉上竭恭事之誠宜表最高
 之行備陳顯數克播令猷謹遣攝太傅左正奉大夫守
 尚書左僕射同中書門下平章事葉顥奉寶冊諡曰安

恭皇后伏惟哲靈如存休問不息責于太史光於清祚於萬斯年與宋無極嗚呼哀哉

奉諡冊寶告於靈座儀

奉諡冊寶前一日其日奉諡冊寶太傅讀冊寶官舉冊寶官並常服守和寧門入詣祥曦殿門外幕次太常寺贊引人禮部職掌及援衛親從贊官等並於殿門外隨地排立以俟掌管進呈諡冊寶內侍請降諡冊寶出祥曦殿以授禮部於殿門上權置定次禮直官引太傅已下詣殿門下隨地立班再拜訖如值雨或有司奉迎援衛等進行太傅以下後從都大主管官往來照管至諡冊寶帳次禮部職掌捧諡冊寶詣帳次權置定訖太傅退宿齋於都堂其餘行禮官並宿齋於本

司捧用寶職掌接銜祇應人並於用寶帳次之側宿銜
奉上誼冊寶日其日太傅讀冊寶官舉冊寶官並文武
百僚並常服吉帶守和寧門入詣幕次換黑帶內太傅
讀冊寶官舉冊官詣權安奉冊寶帳次有司捧冊寶出
帳太傅已下步從至攢殿下稍西東向褥位權置定冊
北寶南太傅已下權退歸幕次俟有司排辦香火等畢
備御史臺閣門太常寺分引文武百僚詣橫殿下及殿
門外隨地之宜立班定次禮直官引讀冊寶官詣用
寶案之後褥位東向立次引舉冊寶官於讀冊寶
官之後立次引太傅詣殿下西向立禮直官贊太傅躬
拜在位官皆再拜訖次引太傅升殿詣大行皇后香案
前搢笏上香再上香三上香跪一酌茶三奠酒執笏俛

伏興再拜訖降階復位少立次再引太傅詣殿下北向

褥位俛伏跪奏稱太傅臣某言奉詔奉上天行皇后證

冊寶奏畢俛伏興退復位次引舉冊官詣冊案措笏跪

舉冊匣興

凡舉冊寶皆禮部職掌助舉

職掌先捧冊案升詣殿上香

案前置於褥位北向次舉冊官舉冊行次引太傅措笏

捧冊升殿至褥位北向跪奠冊匣於案上太傅執笏興

少退稍西褥位東向立次舉冊官執笏興少立次引讀

冊官升殿詣冊案之後北向立舉冊官措笏跪舉冊次

讀冊官措笏跪讀冊訖執笏興次引太傅及讀冊官俱

降階復位立舉冊官奠於匣次舉冊匣興職掌先捧冊

案於殿上稍東褥位置定舉冊官舉冊匣跪於案上舉

冊執笏興降復位次引舉冊官舉冊匣跪置於案上舉冊

官執笏興降復位次引舉寶官指笏跪舉寶盃興職掌
先捧寶案升詣殿上香案前置于褥位北向跪奠寶盃
舉行次引太傅指笏捧寶升殿至褥位北向跪奠寶盃
於案上太傅執笏興少退稍西褥位東向立次舉寶官
執笏興少立次引讀寶官升殿至寶案後北向立舉寶
官指笏跪舉寶次讀寶官指笏跪讀寶訖執笏興次引
太傅及讀寶官俱降復位立舉寶官奠寶於盃興次舉
寶盃興職掌先捧寶盃案於殿上稍東褥位置定舉寶
官舉寶盃跪置於案上舉寶官執笏興降復位禮直官
贊太傅躬拜在位官皆再拜訖並退時值雨或雷濕立
應人並隨宜歸幕次易吉帶詣後殿門外立班進名奉
立班升降

慰訖退

鼓吹警場挽歌

乾道三年七月九日禮部太常寺言將來大行皇后梓宮發引并前夕依禮例合用挽詞唱和執色挽歌并發引前夕沿路至橫宮陵所並合排設警場鼓吹修撰詞典今檢照懿節皇后禮例申請下項 一合用挽詞係翰林學士中書舍人共撰二十首 一挽歌人數今比附用三十六人今乞勒挽歌節級踏逐會解唱和之人拘收赴寺教習 一挽歌合用服著青襖衣油畫冠等并執色鈴鐸事件乞下文思院製造 一今來所撰挽詞才候降下依例合閱習一月至期呈搜前夕唱和及發引前導引至橫宮至掩橫一切了畢放散 一依國朝故事靈駕發引合用導引六州十二時詞典今乞依

例具腔譜申學士院修撰降下教習 一警場合用金

鉦十二人鼓角手各六十人逐色教頭五人管押人員

三人部押使臣一員乞令殿前司就差金鼓鳴角并合

用武巖指揮教頭三人依例於太常寺見管人內差撥

一鼓吹合用鼓吹令丞職掌府典史引樂官一十人

內除見管令丞外依例差太常寺人吏充攝歌色一十

六人篳篥色三十人笛色三十人簫色八人大鼓一十

六人小鼓一十六人節級一名金鉦四人共用一百二

十一人其所差鼓吹鼓色人昨紹興十二年係借差鈞

容直今乞依例於殿前馬步三司均差會解樂藝識字

之人充攝事畢發遣 一所有警場鼓吹挽歌欲乞定

日總護使頓遞使都大主管葬事所管官并禮部太常

寺官按習係與鐘鼓院金吾街仗司同日按習乞於貢院詔依

挽詞

其一

上主周南化真同麟趾詩來符柔順德有助太平基種
稜當年美禕禴此日悲六宮思婦則遺訓有餘師

其二

帝遣皇英女來濱虞汭門鈞陳元自近天極有常尊寶
冊彌文在徽名古制教所嗟弓韞祝曾不報姜嫄

其三

未植長生木先開白柰花風流縹緲館腸斷濯龍車蘭
殿成陳迹蓬壺有舊家悠悠赤山道烟月送悲笳

淑德膺天眷其四

淑德膺天眷坤寧啟殿闈未聞留玉璵俄已掩金扉禮
意存椒壁功勤見鞠衣南山孤月在澹澹不成輝

其五

儷極身方貴乘雲質已僂定從金母燕不數月娥賢彤
管傳新史清詩藹舊篇豈知生是夢惟有淚如川

其六

璧月循黃道軒星映紫闈六宮節儉節八表詠音徽翟
第前驅是龍帷去路非柏城無白日揮淚掩容衣

其七

德配崑山氏人言夏后孫二南風化盡一旅典刑存蘭
殿秋聲早椒房曉日昏傷心五雲畔悲憤擾乾坤

其八

漠漠乾坤大寥寥族望雄神謨夏后氏隱德漢黃公貴
女開邦媛徽音嗣國風若為天不弔一旦玉繩空

其九

早預虞嬪降親承代卽思潛龍見真玉禴翟儷天閣蘭
殿音容盛椒塗禮數尊西風今夜月忍自照黃昏

其十

儉德光千載仁聲決四方游龍戒車馬吐鳳有文章締
綌有朝御房攏漫夕香猶堪付彤管椽筆寫遺芳

其十一

不見朝黃道猶疑闕紫闈坤儀方厚載月魄竟淪輝玉
座悲歡異金輿寂寞歸梁間雙燕語似說故時非

其十二

穰穰都門道遺儀感路人龍輶成永訣鷺鷥儼橫陳西
極倦遊遠南山吉兆新蕭森柏路何以夜臺春

其十三

皇以中天運居然內治修龍樓朝望朔蒲館奉春秋水
殿人何在雲輶輓莫留西風湖上路笳吹擁行輶

其十四

魚貫承恩日鷄鳴問寢時聖傳仍翰墨能事更聲詩共
擬周南應翻成楚些悲昭文琴不鼓那忍問成虧

其十五

玉勝題祥兆璿衣媿至尊柔儀高馬節懿德邁娥嬀鸞
掖空陳迹寬軒即異恩傷心踰七夕素柰不勝繁

其十六

圖史懷規鑿篇章妙剪裁承顏記金屋委化勿泉臺幽
壤湖山秀清笳道路哀玉繩秋既望猶化翟車來

其十七

鬱鬱南山路空瞻鳳翼紅蕤歌淒曉露蘭殿慘秋風故
劍恩仍在中璫事已空祗應彤史筆能為記陰功

其十八

時節家人禮從容父子歡母儀天下順婦道四方觀玉
冷衣銷鳳塵昏鏡掩鸞前春勸蠶事無復上桑壇

其十九

做戒言猶在尊榮事已非秋高天雨泣僊去月沈輝椽
筆空遐想椒塗定不歸可堪聞卹典華夏涕沾衣

其二十

儀天初作合遡日自同休身有憂勤志家無恩澤侯月
方沉厚夜春不返長秋典策哀榮備難紓萬國悉

鼓吹

黃鐘羽 導引

金殿晚愁結坤寧天下母忽僊昇雲山浩浩歸何處但
聞空際綵鸞聲紫蕭斷後無踪跡煙靄靄夜澄澄曉夢
到瑤城當時花木正冥冥

六州

娟娟月初未闌忽沉西桂枝殘寒兔下惟見露脚斜飛
六宮歌未奉瑤墀一朝寂寞掩禕衣夜星不動玉鸞嘶
沉沉何處愁霧鎖金扉 羣僊瞻道範肅駕到蓬池紫

清逸鸞飛電奔馳又誰知世一柔儀椒塗玉鈿金螭贊
聖主膺天命功勤曾佐雍熙三天隔玉闈低迷五雲高
絳府參差往事如今好尋思留得香牋縷管寫新詩但
看芳猷美寶冊傳徽隆名萬古昭垂

十二時

皇家景運合無疆天子坐明堂豐年多黍四方爭報時
康酒常清花易好壽君王天公見玉女大笑億千場不
知椒塗暗淡瑤殿淒涼寶鏡玉臺光可柰畫眉人去脂
澤散餘芳極目望瀟湘波遙草遠只見殘陽南山古阜
松柏茂蔚蒼蒼香竊宮商風過金玉琳琅導歌繁巖鼓
近慘悲傷水凝愁山橫恨煙暗雲黃神山在蟠桃已
遠若木何長最難堪回翟雉返鸞凰音容遠別殿謾焚

香

釋服

乾道三年六月二十六日禮部太常寺言今來皇后上
僊今參照顯恭皇后故事皇帝成服七日而釋百官三
日而釋諸道州府訃告到日長吏率文武官舉哀服成
三日而除今欲乞依上件典故詔依

二十八日禮部太常寺言今檢照典故下項 一建隆

年六月二日昭憲皇太后崩太常禮部言皇弟泰寧

節度使

太宗舊名

嘉州防禦使光美並服齊衰三年准故

事合隨皇帝以日易月之制二十七日釋服二十七日
而禫除畢服吉服心喪終制從之 一景德元年三月
十五日明德皇后崩太常禮院言准昭憲皇太后禮例

宗室雍王已下禫除畢吉服心喪終制從之 一今來
大行皇后上僊所有皇太子皇子今欲比附上件典故
二十五日釋服二十七日而禫除服吉服心喪終制詔
依

七月一日禮部太常寺言今來大行皇后上僊其七月
八日皇帝行釋服之禮緣是日皇太子皇子所服未除
今欲乞俟將來皇太子皇子釋服并禫除日詣大行皇
后梓宮殿前行燒香之禮詔依

二日禮部太常寺言將來皇帝為大行皇后釋服日依
懿節皇后禮例詣几筵前行祭奠之禮今比附成服登
奠禮例下項 一合用祝文一首

述以為大行皇后所
釋服行祭奠之意

有合用御香香案器皿及設御幄裯褥百官幕次差前

導讀祝文官侍香捲簾內侍官等並乞依成服禮例

一釋服日欲乞依禮例皇帝自內侍官服期服詣大行

皇后橫殿御帷俟太常卿奏請訖權易忌日之服俟行

禮畢歸帷易吉服還內 一應行事執事陪位官赴大

行皇后橫殿依禮例並合權易黑帶去金五飾俟禮畢

仍舊吉帶 一行禮日依禮例文武百僚陪位立班是

日百司欲並作休務假一日 一作熱節皇后上僊皇

帝釋服訖其期服於利方焚燒今來大行皇后上僊皇

帝釋服訖其期服欲乞依典故令太史局差勉擇官指

引利方焚燒并差監視燒燎官一員乞下入內侍省

差合用柴草乞下諸司排辦詔依

釋服行禮儀

其日時前禮直官太常博士太常卿先詣帷前立俟皇
帝自內服期服詣大行皇后橫殿側御帷即坐簾降次
禮直官太常博士引太常卿當帷前俛伏跪奏稱太常
卿臣某言請皇帝為大行皇后釋服行祭奠之禮奏訖
伏興退復位立俟皇帝釋期服易忌日之服訖御史臺
閣門太常寺分引文武百僚權易黑帶入詣殿門內外
隨宜立班定俟禮直官先引讀祝文官詣大行皇后橫
殿前香案之西東向立閣門報班齊在位官皆再拜訖
簾捲禮直官太常博士太常卿前導皇帝出帷由殿階
詣大行皇后几筵香案前奏請上香再上香三上香內
侍進茶酒又奏請酌茶奠酒再奠酒三奠酒奏請少立
讀祝文官搢笏東向跪讀祝文訖執笏興退奏請皇帝

舉哭在位官皆舉哭俟哭止又奏請皇帝致飲不拜前導官前導皇帝在位官皆再拜訖俟皇帝歸幄次文武百僚前導官退皇帝就幄易吉服還內次文武百僚易吉帶詣後殿門外進名奉慰訖退

啟橫

乾道三年七月六日禮部太常寺言將來大行皇后發引行啟橫啟奠祖奠遣奠之禮今檢照典故申請下項一乾德二年三月二十七日孝明皇后橫宮羣臣服初喪之服臨于庭二十八日神柩自茲德殿發引帝于明德門外素服設幄行遣奠之禮一至道元年十月二十一日太常禮院言十一月一日孝章皇后啟橫宮二十九日太常禮院言自上啟橫至遣奠遂祭儀注詔

啟櫝宮啟殿祖遣四祭並遣監護使郭贄攝太尉祭

一景德四年五月二十九日章穆皇后啟櫝宮帝親臨
的奠六月八日發引帝素服行遣奠之禮 一懿節皇

后梓宮發引當時與顯肅皇后同時發引其日皇帝親
行啟奠祖奠遣奠之禮 一顯仁皇后梓宮啟櫝總護

使先行奏告禮畢皇帝親行啟櫝祭奠之禮十六日靈
駕發引皇帝親行啟奠祖奠遣奠之禮 一檢照前項

啟櫝等典禮並皆不同所有將來梓宮啟櫝日今欲參

照已行殿櫝禮例俟啟櫝時前令總護使行行祭告禮
畢有司捧遷梓宮啟殿安奉訖皇帝行啟櫝祭奠之禮

其啟奠祖奠二祭欲乞令總護使行禮及俟梓宮發引

皇帝行遣奠之禮詔依

宋會要九日左右金吾衛仗司
言將來大行皇后發引殿更做

場合差押當官一員職掌二八
十八人前期教習唱和警場從之八

十五日禮部太常寺言將來梓宮啟櫬訖皇帝行啟櫬
燒香禮合行事件 一啟櫬皇帝服素行燒香禮禮羣
臣以初喪服自是日一臨至發引皆如之乞用昨發哀
入臨官立班并發引前一日晝漏未盡三刻入臨合差
定時剋擇官乞就差都大所剋擇官 一啟櫬所有陪
位立班官今參照殿櫬禮例於殿庭立班官易初喪之
服陪位其班于殿門外官更不入陪位止令常服黑帶
以俟奉慰畢退及內庭諸色人只服本色服 一依禮
例自啟櫬至三日至祔廟並前殿不坐仍自啟櫬至發
引前後殿不視事宰執除啟櫬日并發引前一日外餘
日赴內殿奏事 一依禮例啟櫬畢合行奉慰今乞俟

啟橫行禮畢文武百僚並詣後殿門外進名奉慰是日
百司作休務假一日 一合來合於橫殿東廊權設青

素帳并合用裯褥等乞下儀鸞司排辦 一合用祝文

一首

述以其大行皇后祔廟畢梓宮還殿皇帝行燒香禮之意

乞下學士院修撰

一合用御封降真香一合乞下入內侍省請降 一

供養食并茶酒果上香炭香爐匙合蠟燭燎草等乞令

都大主管諸司排辦 一合差讀祝文官一員乞差史

官前導太常卿一員贊引太常卿太常博士一員乞差

太常寺官合差捲簾侍香并進茶酒捧祝版執燭內侍

乞下入內侍省差詔依

十六日禮部太常寺言將來梓宮啟橫日時前令總護

使先行祭告禮令比附合行事件下項 一時前祭告

行禮官依禮例就差總護使行禮 一合用御封降真

香一合祝文一首

述以大行皇后殿橫時前登香拜宮還殿之意

一供養茶

酒果茶食并香紫香爐匙合上香炭火煥草拜褥等係

諸司排辦 一合差讀祝文官一員乞差太常寺官詔

依

同日都大主管所言准尚書省劄子將來梓宮啟橫日

辰時刻太史局選用閏七月二日丁卯吉時用其日乙

時於橫所正南偏東丙位啟橫詔依十八日禮部太常寺

即時八刻後啟橫用百官陪位立班是日並文太子

靈樞出葬用成服立班官赴嘉會門外奉辭竊慮赴

立班啟橫時欲改用其日丁卯吉時詔依

十七日禮部太常寺言將來梓宮發引皇帝親行啟橫

并遠奠之禮其行遠奠禮皇帝所服素服係白羅軟脚

幘頭白羅衫黑銀帶絲鞋見今文思院製造外所有皇帝親行啟橫禮亦合服素服今欲乞止就用見製造素服行禮詔依

閏七月一日禮部太常寺言檢照章穆皇后典故啟橫之日羣臣衰服入臨萬安宮皇帝以素服行遣奠禮迨至顯仁皇后啟橫亦用已行故事今來安恭皇后啟橫用前項禮例申請羣臣自啟橫至梓宮發引前一日並用衰服赴臨竊詳今來事體與前項微有不同所有禮例合隨宜參酌申請一羣臣已經釋服今來依前項典故服初喪之服入臨恐以上件服出入宮門有所未便今欲乞啟橫行禮陪位立班臣僚盡令吉服入宮門幕次易常服黑帶立班及初八日羣臣門外奉辭亦乞

依今來所服常服黑帶其陪位立班官啟橫行禮時臨
乞餘日更不入臨所有衰服乞今日下毀棄 一已降
指揮啟橫日皇帝用素服行禮緣今來陪位立班官乞
以常服黑帶所有皇帝所服亦當參酌合宜欲乞是日
皇帝服忌日之服黑鞋屨帶絲鞋 一所有發引前夕
夜祭并啟奠祖真遣奠行禮陪位官及會葬從梓宮臣
僚欲乞依已降指揮並服初喪之服至橫宮掩橫奉辭
訖易常服退所有衰服俟禮畢即令毀棄詔依

啟橫時前祭告儀

其日俟排辦足備引總護使常服黑帶詣大行皇后梓
宮香案前北向再拜訖搢笏三上香三奠茶三奠酒訖
執笏挽伏興少立讀祝文官東向跪讀祝文訖總護使

再拜訖俱退

皇帝行啟橫儀

其日文武百官常服吉帶入皇城門幕次合赴殿庭陪位官就次易初喪之服以俟陪位其班于殿門外官就次易常服黑帶以俟奉慰俟啟橫訖御史臺閣門太常時分引行事陪位官又詣橫殿下就位立班定讀祝文官於香案之西東向立前導太常卿太常博士禮直官立於御幄之前皇帝自內服常服至幄次服素服白羅軟脚幪頭白羅衫黑銀帶絲鞋即座閣門報班齊禮直官太常博士引太常卿當幄前俛伏跪奏太常卿臣某言請皇帝為大行皇后啟橫還殿行燒香之禮奏訖伏興退復位在位官皆再拜訖簾捲前導官導皇帝出幄

詣梓宮香案前上香再上香三上香內侍進茶酒又奏請奠茶奠酒再奠酒三奠酒奏請少立讀祝文官東向跪讀祝文訖又奏請舉哭皇帝舉哭在位官皆舉哭俟哭止又奏請致飲不拜前導皇帝在位官皆拜皇帝歸歸帳簾降陪位前導官退歸幕次換常服黑帶以俟興侍班奉慰文武官並詣後殿門外進名奉慰訖並就次易吉服退

中興禮書第二百八十六卷

凶禮五十一

安恭皇后

發引

乾道三年七月二十日禮部太常寺言今來大行皇后上僊今續次討論到章穆皇后故事發引日皇帝服素服親行遣奠改常服還內羣臣服初喪服不會葬者城外奉辭訖改常服奉慰會葬者揜掩皇堂畢改常服所有將來發引日欲乞並依前項禮例內皇帝行遣奠禮所服素服欲乙至日服白羅軟脚幘頭白羅衫黑銀帶絲鞋令文思院製造御藥院送納詔依

同日又言今檢會章穆皇后園陵故事係差五使昨來

昭慈聖獻皇后橫宮並仁皇后橫宮並止差總護使橋道頓遞使今來大行皇后橫宮差官合取朝廷指揮詔總護使差居廣頓遞使差史正志

四日御史臺言將來梓宮發引其日文臣百官合排設路祭一座所有合用真衣綵贈冥器花果香燭齋供道場等其所用錢乞令應文臣至選人並照本身合得料錢每貫納錢三十文省欲乞依昨顯仁皇后梓宮發引例於臨安府送納出給朱鈔將所收到錢乞令臨安府委官排辦路祭等支使候事畢日具所收并支使過錢物報本臺照會或有支費不盡錢數令臨安府一面繳納左藏庫詔依

同日工部言禮部尚書周執羔等劄子今來皇后上儀

今檢照禮例發引日合用大昇舉并龍輜大昇舉合用
牌一面朱漆青地金字係製造官司委官書寫誼號皇
后大舉七字為文及合用哀冊并沿法物欲乞並令工
部下文思院思修製仍乞令本院依昨懿節皇后并安
穆皇后謚冊寶等體例赴太常寺看訖下院製造奉聖
旨依尋下將作監施行據文思院上下界申今來修製
哀謚冊寶并大昇舉龍輜車等法物雖已降指揮令逐
院彩畫圖本齋赴太常寺看詳下院製造竊慮所畫名
件與制度內有聲說不盡去處若再申本寺委是往復
遲誤今欲乞下太常寺專差諳知次第禮直官一名赴
院及作頭不妨本役往來赴院指說樣制色額造作施
行庶合典禮詔依

大昇舉床裏明尺六寸通長一文一
尺八寸床程垂面濶七寸床程厚五

例合差撰哀冊文官一員書哀冊文官一員伏乞朝廷
差官施行詔哀冊文官差王暉書哀冊文官差梁克家
同日禮部太常寺言今參酌禮例條具下項 一依懿
節皇后禮例太傅持節導梓宮合用節一副及合用贈
玉匣床一副錄匙覆帕全並乞依例下工部令文思院
製造 一依國朝會要園陵故事發引日合用鹵儀仗
緣即日未備權以儀衛服服紫衫執持本殿儀物令主
管禁衛所前相度差撥所有將來大行皇后發引日欲
乞依前項故事施行 一所有哀冊欲乞依禮例俟有
司修製畢依舊文思院收掌俟發引前一日禮部設於
行宮門外用寶帳次俟發引日行遣奠禮讀哀冊訖陳
列哀冊於大昇輦之前影殿之後導引至橫宮日交割

赴橫宮都監收掌俟將來遷奉園陵即依故事入皇堂
安設 一謚冊寶幄禮例發引前一日殿降出付禮部
設於行宮門外用寶幄次俟發引日行遣奠禮訖陳列
於大昇舉前哀冊之後導引至橫宮於幄次安設俟掩
橫宮畢却以謚冊寶導引虞主回日謚冊寶依舊交付
本殿官俟導引虞主至太廟其謚冊寶交割付太廟奉
安所收掌詔依

十二日太常寺言准尚書省劄子大行皇后喪事都大
主管所狀今來梓宮橫殯去處已承指揮就安穆皇后
橫宮所有將來梓宮發引合選定利方經由道路門戶
下所屬討論奉聖旨依太史局申將來梓宮發引合出
本殿門頭北出北宮門至和寧門外係是歲空方至都

亭驛新路頭東向南出嘉會門已次委曲經大路轉至赤山路口頭東至安

后橫宮依得陰陽經書即與

國音別無妨礙太常寺今討論欲依太史局所申事理其道路乞令道頓遞使司措置詔依

十三日禮部太常寺言將來大行皇后奉謚用寶并梓宮發引皇帝親行遣奠之禮依禮例合差太傅一員後從係差宰臣詔依

十五日禮部太常寺言將來梓宮啟攢訖今具啟奠等合行事件 一行啟奠祖奠遣奠之禮共合用牙床三

張乞令工部下文思院製造 一發引合用點三匹

以熟練

充編練二匹 以熟練 令太府寺下左藏庫支供詔依

十六日禮部太常寺言將來皇帝親行遣奠禮總護使

行啟奠祖奠禮今條具合行事件 一依禮例發引日
百官於城外奉辭依故事並服孝服所有自成服後其
文武官至行在者不當別造孝服止合公服黑帶立班
今來發引奉辭日今欲並依上件故事施行 一發引
日皇帝親行遣奠之禮合差贊導太常卿一員贊引太
常卿太常博士一員乞差太常寺官合差捲簾侍香捧
幣爵酌酒捧盤匱帨巾拭爵巾監焚燎等內侍乞下入
內內侍省差 一棹擎哀冊輦官及禮部職掌各乞下
所屬差撥 一親行遣奠之禮依儀皇帝詣梓宮前上
香不跪致飲不拜所有奠幣奠酒欲奠於香案上其奠
酒依殿橫例就香案上設奠酒孟子所有合用帷次欲
乞於和寧門東壁待漏院令儀鸞司排辦 一啟奠祖

奠遣奠行禮儀並合用牲牢禮料實邊豆盞盞設於牙
床係太常寺排辦外所有大行皇后梓宮前合設香案
麻爐奠酒孟子乞從本殿排辦 一梓宮前竊慮有鋪
設供養花版果壘等有妨將來安設牙床行禮欲乞從
都大主管所下本殿於至日時前撤去 一行遣奠之
禮合差讀哀冊官一員舉冊官二員進幣爵酒官一員
酌酒官一員伏乞朝廷降勅差官 一總護使行啟奠
祖奠禮合差奉禮郎太祝太官令各一員欲乞輪差太
常寺官詔依

同日又將來大行皇后梓宮發引今條具下項 一依
禮例梓宮升大昇舉內侍封鑲檢會昨顯仁皇后靈駕
發引赴橫宮日不曾封鑲今來梓宮升大昇舉發引日

欲依禮例更不封錄 一行遣奠禮欲乞依禮例太傅

親王總護使及行事侍中等南班諸親倍位內誥親僚

本完一啟奠祖奠合用祝文二首一啟奠祖奠遣奠行禮合

祖真之意乞下學士院修撰 一合用御封降真香三

合乞下入內侍省請降 一啟奠祖奠遣奠行禮合

用幣帛三段各長一丈八尺令戶部下左藏庫支供及合用羊

豕各三副羊豕各一乞下臨安府收買其合用禮料酒

齊等乞具合用數報臨安府排辦內啟奠祖奠交割付

本殿及差殿內幕士等擡擎鋪設畢擡出 一合用盥

洗盥匱并巾乞下文思院製造 一昨懿節皇后梓宮

發引前一日奏告行在宮觀及祭告經過十里內祠廟

內宮觀已中備差官行禮共經過祠廟今臨今來梓宮

安府隨宜差官備酒脯幣帛修寫祝文行禮

發引前一日欲乞依前項禮例施行 依禮例梓宮

發引前一日總護使行夜祭之禮俟行禮畢退其挽歌
初更入殿祇應至初更後並令出殿今來梓宮發引前
一日欲乞依禮例施行其合用燈燭并供養食茶酒果
香等乞令諸司排辦其祝文下太史局排辦 一依禮
例梓宮發引前一日呈搜按視車舉方相大昇輦并一
行儀衛僧道等從總護使同都大主管按視 一發引
日行遣奠禮畢除總護使并都大主管官合隨從外其
餘行事侍中已下倍位訖並乞依故事先赴橫宮內隨
從官吏等沿路若值雨許施雨具 一發引日其親王
南班宗室并本宅諸親俟前遣奠陪位訖後從梓宮升
大昇輦至橫宮俟掩橫宮畢奉辭訖退 一發引并掩

橫係同日乞行一就祭告安穆皇后橫宮其祭官告乞
依例係總護使司行下大宗正司差南班宗室一員前
一日赴橫宮致齋所有合用御封香祝文乞依例闕報
所屬請降合差太祝一員并合用供養茶酒果等乞報
臨安府差官及依自來祭告禮例排辦 一發引日沿
路等合用御封降真香具數報入內內侍省請降 一
橫宮合用梓宮待時幄次乞下頓遞使司行下所屬相
度釘設所有方位乞令都大所剋擇官指引利方 一
依禮例將來掩橫宮日總護使率應在橫宮官進表奉
慰詔依

十七日禮部太常寺言梓宮發引至橫宮今條具下項
一發引日其方相買道輿等除綵結物色外其餘大昇

舉方相買道與等侯至橫宮日依故事合於橫宮外焚
燒所有焚燒方位乞下都大主管所就差本所剋擇官
指引方位 一大行皇后重侯至橫宮日即乞隨方相
等於利方焚燒所有銘旌黹纁贈玉乞依例隨梓宮於
神穴內安設詔依

二十七日禮部太常寺言梓宮發引合差侍中一員奏
詣梓宮升降進祭惟駐太傅一員持節導梓宮監掩橫
宮少傅一員率捧梓宮官奉升大昇舉并攝少保復土
九鍾太常少卿一員率執嬰障梓宮監察御史一員監
掩橫宮少府監一員進龍輜將作監一員捧梓宮登龍
輜兼掩橫宮贊引太傅持節導梓宮太常士一員伏乞
降勅差官詔依

二十九日禮部太常寺言將來梓宮發引已降指揮前

一日奏告行在宮觀所有合用御封降真香一十四合

青詞二首祝文一首

並述以安恭皇后梓宮發引前一日奏告之意

蒼幣四段

白帶一十段

各長一丈八尺

并合用禮料酒燭及差奉禮郎以

下行事官等並乞令太常寺依自來奏告禮例關報所屬差官排辦其合差奏告官乞降勅差詔依

閏七月三日禮部太常寺言梓宮發引今比附條具下

項 一梓宮發引行遣奠禮皇帝所服欲乞依啟橫禮

例供進忌日之服其後從太傅并應奉前導等官並常

服黑帶 一梓宮發引行遣奠禮依已降指揮是日皇

帝出祥曦殿乘輦詣和寧門外帷次俟梓宮升大昇攀

訖行遣奠禮其所設帷次於和寧門裏東壁隨地絞縛

及合用露屋並令儀鸞司同臨安府排辦今欲乞是日
皇帝自內服常服出苑西便門詣恆易忌日之服以俟
行遣奠禮畢歸帷釋忌之日服服常服還內所有合用
禁衛等乞令禁衛所有度施行所有大昇舉欲乞於和
寧門外近門安設以俟梓宮降龍輜升大昇舉安卓訖
行遣奠禮畢次用杆杖絞縛捧擎進發詔依

四日禮部太常寺言梓宮發引掩橫宮今參酌到合行
事件下項 一發引日文武百僚赴嘉會門外奉辭訖
赴後殿門外進名奉慰并是日掩橫時文武百僚亦合
詣後殿門外奉慰契勘今來同日兩次奉慰委是繁數
今欲乞文武百僚於嘉會門外奉辭訖候掩橫時至文
武百僚詣後殿門外一就進名奉慰 一發引日南宮

門并麗正門並依時開門緣是日梓宮發引太傅已下後從等行禮畢內有合赴嘉會門外奉辭立班官緣至日梓宮已進發難以前路攬越欲乞至日梓宮發引行禮畢換常服吉帶入和寧門出麗正門赴嘉會門外易衰服奉辭今欲乞是日南宮門并麗正門比常日早三刻開放令太傅以下後從等赴赴奉辭詔依

哀冊文

維乾道三年歲次丁亥六月丁卯朔二十五日辛卯安恭皇后崩于坤寧殿七月壬寅殯于殿之東南隅粵閏七月發酉遷座于叢宮禮也東清星高西陵月下編緜前馳雌輶肅駕動永愴於終天隔窳音於厚夜皇帝情深邦媛禮重長秋問靈宮之既啟嗟總帳之將收乃即

賓階是臨遺莫爰命辭臣奉揚芳憲辭曰惟昔有妣功
被萬世席慶流光發祥隕祉珠羅炳靈瑤魄降瑞際于
休明生此淑懿韞輝素里育德仁門淑問不已德儀攸
尊恩於克母慧心彰聞見于內殿柔風益芬軒象應符
蘭闥鍾粹代邸膺歷重華協帝黃龍絢采紫宮正位體
極坤元尊如天妹內輔陰教旁禪政機訓組致力總所
有儀覃萬播美睢鳩在詩家道以正王化之基絲臬是
飭種種是共頻御前館希從濯龍喜不失節怒不變容
惠有卹恩無濫封處約戒奢懷冲履素服練斥華脫
簪知度領畧風雅披韶獲辦有微言詩多奇句貴則
儷極尊惟承天既備五福宜膺百年忽六氣之淫厲嗟
二童之夢言顧甚迫之短景曾不留於逝川嗚呼哀哉

龜策告獸龍，輶御檄雲物。結而淒凝，蕭鼓合而橫咽。路
 隱隱兮迴重阜，旌冉冉兮背雙闕。紉玉衣兮何之，望珠
 樞兮遠訣。嗚呼哀哉，美蓮娟兮撫宮極。包紅顏兮隕朱
 榮，指新宮兮離故庭。去昭昭兮就冥冥，華殿塵兮神眇
 眇。花欄萋兮草青青，眉兮不見超兮西征。嗚呼哀哉，遺
 組香兮猶穠，故鞠蛛兮未封。竇瑟委兮弦齒，斷玉臺移
 兮鏡奩空。象服具兮疑曉房，櫳虛兮多風。波浪深兮雌
 劍竟去，冰霜苦兮別鶴無蹤。嗚呼哀哉，半波絕源中。春
 掩媚天理，莫知人心是瘁。雖怛化之有中，亶垂芳之長
 在。惟德行之可傳，塞天淵而不昧。嗚呼哀哉。

總護使行啟奠祖奠儀

其日有司設牙床，牲牢襍禮訖。啟奠時前引奉禮，即詣

殿上西向立太祝詣殿上東向立太官令於酒樽所後
北向立太史局報時前二刻禮直官引總護使詣殿下
褥位西向立禮直官揖躬拜訖詣盥洗位盥手悅手詣
爵洗位洗爵拭爵升殿詣梓宮前酒樽所西向跪執爵
俟太官令酌酒訖興詣梓宮前跪上香再上香三上香
奉禮郎奉幣總護使受幣奠幣執爵三祭酒奠爵俛伏
興少立太祝跪讀祝文訖興總護使再拜訖降階復位
禮直官揖躬拜訖退俟有司徹牙床訖祖奠時至禮
直官引侍中詣梓宮前俛伏跪奏稱侍中臣某言安
恭皇后梓宮進發奏訖俛伏興退復位凡侍中奏請伏
興俟輦官捧梓宮稍前侍中又奏請梓宮少駐奏訖權
退歸次俟梓宮權置定有司設牙床牲牢禮饌畢以俟

總護使行祖奠禮並如啟奠之儀畢退

皇帝親行遣奠儀

其日皇帝於發引時前一刻服常服出祥儀殿乘輦

銜

後如常詣和寧門外帷次降輦入帷簾降易素服即御座

訖次前導官等立於御帷前次禮直官引侍中奏請安

恭皇后梓宮進發

初禮使行祖奠之禮少府監即其屬進飛橋于別殿門外

太傅

持節導梓宮進發降殿太常少卿帥執翼者分左右障

梓宮親王總護使等并南班及諸親先於別殿門外立

以俟舉哭後從次引侍中詣梓宮前奏稱侍中臣某言

請安恭皇后梓宮權龍輜奏訖退次將作監捧梓宮升

龍輜至和寧門外侍中奏請梓宮權駐升大昇舉少傅

率梓宮官

係將作監

奉梓宮升大昇舉訖有司設哀用牙床

實升牲牢禮饌畢次引讀哀册官各就位西向立進幣
爵酒官東向立酌酒官於酒罇之後立次引傳傳親王
總護使等南班詣親并行事侍中等詣拜官前南向立
次禮直官太常博士引太常卿當幄前悅伏跪奏稱太
常卿臣某言請皇帝行遣奠之禮奏訖悅伏興退復位
簾捲前導皇帝出幄詣大昇輦之東褥位西向立次引
太傅後從奏請皇帝盥哭不拜在位官皆舉哭再拜次
內侍進盤匱沃水奏請皇帝盥手內侍進中奏請皇帝
悅手內侍進爵奏請皇帝洗手內侍進中奏請皇帝悅
手內侍進爵奏請皇帝洗手內侍進中奏請皇帝拭爵
前導皇帝詣安恭皇后大昇輦香案前又奏請皇帝上
香再上香三上香進幣爵酒官東向跪先進幣次進爵

酒又奏請皇帝受幣奠幣執爵三祭酒奠爵並于香案
上又奏請皇帝少立哭止次舉用官跪舉用讀哀用官
白向跪讀哀用訖又奏請皇帝舉哭不拜在位官皆舉
哭再拜前導官前導皇帝歸幄並哭止太傅已下并前
導官並退內合赴橫宮
者赴橫宮次禮直官引侍中奏請梓宮進
發有司率僧道各執威儀鑼鈸道具并應奉車舉法物
及儀衛執持儀物人前引梓宮進發皇帝易常服還內
如來儀

奉辭儀

其日百官先赴城外幕次易初喪之服俟安茶皇后梓
宮將至有司設香案定御史臺閣門太常寺集百官立
定禮直官引班首已詣諸班前立定俟梓宮至禮直官

贊躬拜在位官皆再拜次引班首詣香案前上香再上
香三上香復位立班首舉哭在位官皆舉哭俟哭止禮
直官贊躬拜在位官皆再拜奏辭訖權退立俟大昇舉
過並退易吉帶入麗正門至後殿門外幕次易常服黑
帶進名奉慰訖易吉帶退出和寧門所有將來奉迎儀
主日百官並常服
黑帶班前指躬上香如上儀唯不舉哭奉慰宋會要
是
閏七月八日梓宮進發百官常服起後殿門進名奉慰總贊
父
日中時掩橫宮進奉慰起梓宮進發親王宗室本宅
東廡在橫宮進奉慰
赴殿並掩橫宮進奉慰梓宮進發親王宗室本宅
先
梓宮以發引掩橫梓宮進發親王宗室本宅
先
同日乃一就奏告

掩橫

乾道三年七月十七日禮部太常寺言今來大行皇后
梓宮發引至橫宮行遷奠并掩橫宮今參酌合行事件

下項 一遷奠行禮官依禮例差總護使 一掩橫宮

行禮官依禮例差太常卿 一遷奠并掩橫宮各合差

奉禮郎太祝太官令各一員並乞輪太常寺官如職事

相妨乞報臨安府差官 一合用祝文二首一首述以遷奠之意

一首述以掩橫宮之意 御封降真香二合 一遷奠并掩橫宮各

合用禮料酒齋羊豕等報臨安府排辦 一合用白帶

二段各長一丈八尺 一合用香爐匙合炭火燎草等乞下諸司

排辦 一依禮例梓宮到橫宮捧梓宮升獻殿權安奉

以俟遷奠掩橫宮 一將來掩橫宮時欲乞依禮例文

武百僚常服黑帶於後殿門外進名奉慰所有掩橫宮

定時剋擇官下太史局差詔依

遷奠掩橫宮儀用閏七月八日

其日俟大昇舉至橫宮侍中詣大昇舉前俛伏跪奏稱
侍中臣某言請梓宮降舉升龍輜詣獻殿奏訖俛伏興
有司捧梓宮升龍輜入獻殿訖俟掩橫時前行遷奠禮
有司於梓宮前陳設祭器實牲牢禮料畢先引倍位官
立定次奉禮郎已下入就位立次引總護使詣梓宮殿
下立定並順禮直官贊躬拜總護使再拜在位官皆拜
拜訖次引奉禮郎太祝太官令各升就位立定次引總
護使詣盥洗位盥洗手訖詣爵洗位洗爵拭爵詣酒
樽所跪執爵俟太官令酌酒訖興詣梓宮前跪上香再
上香三上香奉禮郎奉幣總護使受幣奠幣執爵三祭
酒奠爵俛伏興少立俟太祝跪讀祝文訖總護使再拜
訖降階復位立又再拜在位官皆再拜訖次引總護使

詣望瘞位立奉禮郎太祝太官令重行立定有司瘞祝

幣訖退陪位官以次退俟掩橫宮時至

用中時八刻後庚時

引侍

中詣梓宮前俛伏跪奏攝侍中臣某言請梓宮赴橫宮
奏訖俛伏興有司捧遷梓宮赴橫宮畢次太傅少傅監
察御史將作監并監掩宮訖次引少傅復土九鍾太史
招神靈上神帛

奉辭并掩橫畢行饗禮儀

掩橫畢禮直官引總護使并行事官本司官屬詣安恭
皇后橫宮再拜奉辭訖初招神靈上神帛訖次有司排
辦牲牢禮饌訖禮直官常服黑帶引奉禮郎太祝太官
令立定引太常卿詣橫宮殿下立禮直官贊躬拜太常
卿拜奉禮郎以下皆再拜訖奉禮郎以下升就位引太

常卿詣盥洗位搯笏盥手悅手洗爵拭爵執笏升詣樽
所搯笏跪執爵俟太官令酌酒訖執笏興詣橫宮殿上
搯笏跪上香再上香三上香受帶奠執爵三祭酒奠爵
執笏悅伏興少立俟太祝讀祝文訖請再拜訖降復位
禮直官贊躬拜在位官皆再拜訖引詣望瘞位南向立
奉禮郎太祝太官令重行俟焚瘞祝幣訖次內謁者詣
虞主帷次內浴虞主訖以白羅巾拭訖內謁者捧虞主
升腰輿次捧腰輿官扶夾侍官以次捧虞主腰輿升櫬
宮獻殿穴上南向權置定次引扶夾侍啟匱訖內謁者
北向悅伏跪奏稱內謁者臣某言請安恭皇后神靈上
虞主奏訖悅伏興少頃內謁者再詣腰輿前悅伏跪奏
稱內謁者臣某言請安恭皇后虞主降輿升座內謁者

捧遷虞主即座以青羅巾蓋之腰與升座內謁者祭之禮

御容

乾道三年七月十七日禮部太常寺言將來大行皇后梓宮至橫宮掩橫畢下宮安奉御容乞依禮例差太常少卿行奉安燒香之禮合用御封香一合乞令入內侍省請降其供養牙盤食茶酒果器皿香案香爐是合奠茶酒鈔鑪盆臺拜席褥等並下臨安府排辦詔依聞七月十一日龍圖天章寶文顯謨徽猷敷文閣奏近承降到安恭皇后御容二軸赴閣一軸內中神御殿崇奉一軸本閣神御殿收奉本閣已於帷內權行安奉外今據禮直官開具到合行事件一收奉并安奉皇后

御容依見今別廟室次序係於安穆皇后之次今欲乞
就安奉日於時前捧遷見安奉神御趨那稍北安奉安
恭皇后御容本閣官行炷香禮已後並依祖宗諸后例
崇奉 一合用御封香三合乞依本閣例於睿思殿外
庫請降 一合奏告本閣祖宗神御并安奉一合告遷安恭皇后御容
一告遷時前本閣官常服言帶詣神御殿并詣內中神
御殿行燒香奏告禮畢俟時告遷安奉行燒香之禮

一依禮例合差援衛親從官五十人肩擎輦官三十二
人自本閣捧擎腰輿至祥曦殿門其自殿門捧擎腰輿
至神御殿乞差供內儀鸞司一十六人就用本處服色
一乞下太史局選迎奉安奉吉日時刻及至日時前
告遷安恭皇后御容時并差剋擇官一名詔依

安奉御容儀

有司排辦供養食酒果等備次太常寺少卿常服黑帶禮直官引詣安恭皇后下宮殿下東向立次有司捧憑安恭皇后御容正安奉訖禮直官贊太常寺少卿躬拜次引太常少卿升詣安宮皇后御容香案前措笏上香再上香三上香跪奠茶三奠酒訖執笏俛伏興請再拜訖降復位禮直官贊太常少卿再拜訖次易吉帶詣安恭皇后橫宮并下宮朝拜訖退

虞祭

乾道三年七月六日禮部太常寺言將來大行皇后上僊依故事虞主回合用翟車緣為儀仗未備止就用已造虞主腰輿差輦官自橫宮捧擎虞主赴本殿今來虞

主曰日欲乞依禮例施行其輦官令御輦院計會主管諸司差撥詔依

二十一日禮部太常寺言今來大行皇后梓宮發引掩攢畢行九虞卒哭祭檢照禮例掩皇堂畢陵下設第一虞奉主回通行九虞及卒哭祭畢擇日祔廟今參酌條具事件下項 一依禮例掩攢畢迎奉虞主回詣筵殿權安奉以俟行虞祭及卒哭祭所有几筵殿欲乞就梓宮攢殿作几筵殿 一依禮例掩攢畢行第一虞祭畢就攢宮獻殿權安奉虞主至次日早行第二虞祭畢迎奉虞主回几筵殿下權安 一掩攢畢虞主回合於几筵殿權安奉係本殿官照管以俟祔廟所有香爐匙合炭火等乞令本殿排辦及幄次乞下儀鸞司釘設 一

虞主回詣几筵殿權安奉訖皇帝行安神燒香禮畢次
太常卿以酒脯行安神禮合差前導太常卿太常博士
奉禮郎太祝太官令各一員並乞鞫太常寺官其行禮
太常卿乞降初差官所有酒脯等欲乞依自來祝祭禮
例排辦 一合差內謁者一員浴虞主并奏請神靈上

虞主并合差捧腰輿內侍四員扶持夾侍各二員

兼安奉虞

主祔

及掩橫畢行九虞卒哭祭及虞主回沿路及本殿

合差內侍官一員幹辦守宿照管并行禮捧遷虞主並
乞下入內侍省差官仍乞差皇城司親事官八人并
管押一人沿路守宿祇應禮畢發遣 一安奉虞主於
橫宮獻殿行虞祭禮合用倚卓一副搭席等令臨安府
計會主管諸司排辦 一九虞祭畢祔廟前行卒哭祭

合差行禮官一員依禮例乞差南班宗室正任以上充

一行九虞祭并卒哭祭各差奉禮郎太祝太官令各

一員並乞輪請太常寺官 一九虞并卒哭祭并皇帝

行安神燒香禮并太常卿行安神靈共合用御封降真

香一十二合 一九虞祭合用祝文九首

並述以大行皇后撥宮畢

述官行九虞祭之意并卒哭祭祝文一首

述以為大行皇后神主

祭之意及太常卿行安神禮祝文一首

述以前述官行卒哭祭

禮遺官行安神禮之意並乞令學士院修撰 一九虞并卒哭祭

后戚主回詔兒廷

及太常卿行安神禮共合用白幣一十一段

各長一丈八尺

一九虞并卒哭祭各合用羊豕各一口乞下臨安府收

買并饌造神食御厨工匠乞下御厨差撥 一將來立

虞主并神主祔廟所有浴虞主神主各合用擅沉箋笏

香末各半兩柴二十五斤下臨安府排辦 一行禮日
合用香爐匙合上香木炭燈燭燎草並乞令神主祔廟
都大主管所下所屬排辦內燎草乞令主管諸司一面
報皇城司照會放入其幣帛祝文乞依例俟行禮畢交
割付几筵殿官一面焚燒 一卒哭祭行禮日依禮例
皇帝不視事俟几筵前行禮畢文武百僚詣後殿門外
進名奉慰 一奉迎虞主四几筵殿皇帝行安神燒香
禮合設御幄施簾乞下儀鸞司釘設并排辦黃羅裯褥
奏請紫褥 一自攢宮捧擎虞主腰輿回赴本殿合用
絲結殿子乞下儀鸞司絞縛及鞏官乞下御輦院差撥
所有威儀僧道等并執持儀物人並乞就用發引日威
儀等人充詔依

二十八日禮部太常寺言將來安恭皇后掩橫畢立虞
行九虞祭今排定日分閏七月初八日掩橫宮獻殿宮
獻殿行第一虞祭九日早就橫宮行第二虞祭畢迎奉
虞主回几筵殿權安奉十日行第三虞祭十一日神主
祔廟受誓戒十二日行第四虞祭十三日行第五虞祭
十四日行第六虞祭十五日行第七虞祭十六日行第
八虞祭十七日行第九虞祭十八日行卒哭祭二十一
日皇帝行寧神禮畢次迎奉虞主赴太廟次有司祔行
廟禮詔依

閏七月三日禮部太常寺言將來安恭皇后虞主還殿
皇帝行安神燒香禮及祔廟日行寧神燒香禮依儀太
常卿太常博士前導奏請不載百官陪位今相度既無

百官陪位其前導官亦不合用今欲乞俟將來虞主赴
几筵殿安奉訖皇帝行安神燒香之禮及祔廟日皇帝
行寧神燒香之禮並如宮中之儀詔依

五日御史臺閤門太常寺言已降指揮虞主回赴几筵
殿文武百僚於錢湖門外奉迎虞主今來相視到自錢
湖門外一帶街道窄狹難以立班所有淨慈寺前地步
寬展今欲乞是日文武百僚於淨慈寺前立班奉迎及
就貼設本寺充宰執以下百僚待班幕次

如值兩沾滿
三門上立班

仍元
拜詔依

虞祭儀

有司排設牲牢禮饌訖行事官各服常服黑帶贊者引
奉禮郎太祝太官令詣殿北向立禮直官引太常卿話

殿西向立禮直官贊躬拜太常卿拜在位官皆再拜訖
次引奉禮郎以下升就位立引太常卿詣盥洗位搯笏
盥手悅手執笏詣爵洗位搯笏洗爵拭爵執笏升殿詣
酒樽所搯笏跪執爵俟太官令酌酒訖執笏興引太常
卿詣虞主前搯笏跪上香再上香三上香受幣奠幣執
爵三祭酒奠爵執笏俛伏興請少立俟太祝讀祝文訖
請再拜引降階復位禮直官贊躬拜太常卿拜在位官
皆再拜訖引詣望瘞位南向立奉禮郎以下重行俟焚
瘞祝幣訖班退

中興禮書續編卷二百八十七

凶禮五十二

安恭皇后

祔廟

儀注與安恭皇后神主祔廟
儀同更祔廟儀同更不重載

乾道三年七月六日禮部太常寺言今來大行皇后上

僊今參酌禮儀條具下項 一掩橫宮畢并神主祔廟

依故事合用虞主一神主一大匱二小匱二腰輿二汲

水鐵絡桶二全矮香案二座紫羅衣白羅拭巾一長八

筆硯墨二副青羅巾一長八行障二紫羅衣觀藉神主虞

主紫羅褥子二浴斛二跌座二褥子直几二衣子油絹

帕二各三軍匱紅羅夾帕二各三並令工部下文思院

修制 一依禮例俟文思院修制虞主神主畢內虞主

於几筵殿交割神主於太廟奉安所交割所有今來大
行皇后虞主修製畢交割付別殿俟發引前二日交割
付却大主管所請司差輩官捧擎今欲乞依禮例施行
其神主赴太廟奉安所交割 一依故事虞主合於別
廟殿後瘞埋檢會昨懿節皇后虞主緣為係行在即不
瘞埋俟奏請神靈上神主其虞主俟祔廟畢赴太廟用
寶殿權行安奉俟將來迎奉太廟還闕依故事施行今
來大行皇后虞主欲乞依上件故事俟祔廟畢赴太廟
用寶殿權行安奉詔依

十七日禮部太常寺言將來大行皇后梓宮掩攢畢奉
迎虞主回俟虞祭畢奉迎虞主并神主祔廟依故事合
差禮儀一員係差宰臣都大主管官一員係差入內內

內侍省官充詔依

二十五日禮部太常寺言安恭皇后神主祔廟依禮例合用鼓吹導引至太廟排設登歌宮架樂舞行禮其鼓吹詞曲并樂章依例申學士院修撰其餘應合行事件並乞依昨安穆皇后祔廟已得指揮施行詔依

同日又言勘會行卒哭祭畢迎奉虞主行寧神禮今比祔條具下項 一依禮例虞祭畢神主祔廟日皇帝自內服幘頭紅上蓋紅鞞屏帶絲鞋詣虞主前行燒香之禮其行安神禮亦乞供進上件所服 一行寧神禮虞主前合用香案香爐匙合炭火乞令祔廟都大主管諸司排辦 一合用御封降真香一合詔依

二十七日禮部太常寺言將來安恭皇后虞祭畢迎奉

神主祔廟今參酌合行事件下項 一神主祔廟

例合前二日奏告天地宗廟社稷宮觀所有差官并排辦事件欲乞依自來奏告禮例申關所屬差官排辦

一合差書題神主官一員依禮翰林學士或侍從官

一神主祔廟前一日宰齋于都堂陪位百官齋於本司其無本司官齋於貢院員僚齋於本營廳事 一神主

祔廟先行祔謁太廟之禮次行祔謁別廟懿節皇后之禮合用紫羅拜褥二領令工部下文思院製造 一神

主祔廟依禮例合先行祔謁之禮次祔饗於祖姑之下

所有徽宗室戶外西向合設帷次乞下儀鸞司同臨安

府釘設 一神主祔廟日依禮例皇帝不視事祔廟行

禮畢文武百僚詣後殿門外進名奉慰仍乞百司作休

務假一日及次日作歇泊休務假一日 一神主祔廟
其行事執事官合前十日受誓戒於尚書省並並日赴
本司致齋其合用禮料羊豕酒齋等並乞令臨安府排
辦 一神主祔廟合行饗太廟別廟禮合差三獻等官
並乞依安穆皇后祔廟禮例差官 一今來祔廟欲乞
依禮例令親王及行在應南班宗室趁赴騎導俟皇帝
於几筵殿行寧神燒香禮畢還內親王南班宗室自几
筵殿門外步導出和寧門外騎導至太廟櫺星門外下
馬步導至權安奉帷次訖權退以俟陪位立班 一依
禮例文武百僚並服吉服陪位立班欲乞下御史臺閣
門申請 一迎奉虞主詣太廟及神主祔廟依禮例合
用本殿儀衛及執打從物等導引赴太廟今來欲乞令

都大主管所闕請見今本殿從物等至日導引赴太廟

事畢送還 一神主祔廟依禮例其謚冊實於虞主前

陳列至太廟今欲乞令禮部量人數差撥職掌接衛照

管詣太廟俟祔廟畢交割付太廟奉安所 一合用祝

文一十三首並述禮以安祭皇后神主祔廟先于祔

皇后祝文一首述禮以安祭皇后神主祔廟先于祔

合用白帶一十四段各長一丈八尺 一太廟南神門外稍西

東向合設權安奉虞主神主帷次乞下儀鸞司同臨安

府排辦 一依禮例合差威儀僧道各一百人并合差

儀衛鞞官親從官及合用執打從物繖扇等其僧道乞

下臨安府差撥其儀衛鞞官親從官乞令都大主管所

差撥 一依國朝故事用太常鼓吹左右金吾仗振作

導引至太廟今欲乞依昨安穆皇后神主祔廟禮用細仗二百人令兵部差撥其鼓吹乞令太常寺比附儀仗人數條具差撥几筵殿門外導引至太廟行祔廟之禮
詔依

閏七月八日禮部太常寺言今來神主祔廟今具申請下項 一祔廟行禮時先據太史局申選用閏七月二十一日丙時竊緣行禮之時正當暑熱慮恐不致恭肅今欲改用其日甲時行禮 一今來改用甲時行禮欲依行禮前六刻開和寧門北宮門外几筵殿門并太廟門以俟迎奉虞主赴太廟俟奏請神靈上神主訖行祔廟之禮其在內經由門戶候虞主出却行關閉依常日開詔依

十三日禮部太常寺言將神主祠廟依禮例前二日奏告天地宗廟社稷天慶觀報恩光孝觀太一宮所有逐處合差奏告官以侍從官內宗廟以南班宗室充詔依同日御史臺閣門言將來安恭皇后神主祠廟合用文武百僚陪位欲乞至日集文臣應釐務不釐務通直郎以上及行在見任寺監主簿承務郎以上職事官武臣保義郎以上并三衛員僚以上赴赴詔依

神主祠廟

道宮導引

紫鸞飛去玉殿鏤坤寧珠箔儼銀屏僊家不似人間世
無處覓雲輶金鋪肅肅湛嚴扃天冊下彤庭嘉觴好在
新宮薦萬世妥神靈

几筵

乾道三年七月十三日禮部太常寺言今來大行皇后
几筵殿依禮例合差都大主管官一員詔依
四年五月二日禮官劄子昨安恭皇后上僊至乾道四
年六月二十五日係周期服滿所有見安奉安恭皇后
几筵合依懿節皇后感故周期而徹緣有孝明皇后章
穆皇后顯恭皇后再期而徹典故不同未敢便行條具
詔依懿節皇后感故

十三日禮部太常寺言將來安恭皇后几筵徹坐已降
指揮依懿節皇后感故今條具下項 一几筵徹坐日
皇帝服忌日之服詣几筵前行燒香之禮仍乞徹坐日
前一日前後殿不視事 一合差禮儀使一員都大主

管官一員

一几筵徽坐前一日文武百僚詣几筵殿

奠酌及禮儀使詣几筵前早晚上香至日時前行奏告

禮 一焚几筵時文武百僚詣後殿門外進名奉慰詔

依

二十六日禮部太常寺言今來几筵徽坐今參照典故

條具下項 一合差禁衛等僚從都大主管所差撥前

一日絕早赴本殿更互排立 一合用織扇從物等僚

所差禁衛計會本殿并御輦院排辦 一徽坐日依典

故行在禁屠宰并停決大辟一日 一坐并前一日禁

在城音樂及二十五日百司休務假一日徽一焚几筵

時刻令都大主管所差剋擇官選定取旨作一焚几筵

檐子并臺警輦官裝著儀注全乞依典故下御輦院差

撥計會几筵殿排辦詔依

二十九日禮部太常寺言几筵徹坐依懿節皇后典故
是日皇帝詣几筵前行燒香之禮今具申請下項

一合於几筵殿側設御帳施簾并合用奏請紫褥及殿上
合用黃羅褥乞令儀鸞司排辦

一合祝文一首

述以安恭皇
后几筵徹
坐皇帝行
燒香之禮

一合用上香

炭火香爐匙合等及禮畢掌管焚燒祝文欲乞依例從
都大主管所行下本殿掌管排辦內恭養牙盤食茶酒

果并燎草蠟燭亦乞從都大主管諸司排辦

一合差侍香捲簾供進酒茶捧祝版執燭等內侍乞下入內內

侍省差一合差太常卿一員輦導奏請皇帝行禮并

差輦引太常卿太常博士一員乞差本寺少卿博士讀

祝文官一員乞差史官 一几筵撤坐前一日文武百僚入奠合用香并炭火香爐匙合等乞令几筵殿排辦其供養牙盤食茶酒果令主管諸司排辦 一合差僧道並一日絕早赴本殿更互從都大主管所具數下臨安府差撥詔依

六月七日禮部太常寺言今參照典故條具下項 一焚几筵時前乞依禮例禮儀使行禮畢後從几筵赴利方以俟焚几筵 一乞依禮例本殿內人隨從几筵赴利方俟焚几筵畢並易吉服還內 一乞差扶護几筵內侍從都大主管所具合用員數報入內內侍省差 一焚几筵時文武百僚於後殿門外進名奉慰乞下太史局差定時刻擇官一名及合差舉火內侍一員從都

大主管所差官其火燭柴草乞令主管諸司排辦一
焚几筵依禮例禮儀使都大主管官并行事官及安恭
皇后宅親屬陪位官並前一日各於本司致齋無本司
者子和寧門外待漏院致齋一几筵徹坐欲乞前一日
親王先行奠醑禮并至日陪位及後從几筵赴焚筵處
並乞權易黑帶一昨降指揮夏執中服衰服終三年
之喪所有至日皇帝行燒香禮親屬合赴陪位緣夏執
中見服衰服難以入出宮殿門今欲乞至日免令陪位
止於皇城門外以俟從几筵赴焚几筵處詔依

十二日禮部太常寺言几筵徹坐禮儀使前一日早晚
上香行奏告之禮令依懿節皇后禮例條具下項一
合用御封降真香三合祝文一首

此以安恭皇后几筵
徹坐時前奏告之意

白幣一段

長一丈八尺

一合用上香炭火香爐匙合等及

禮畢掌

禮畢掌管燒香祝文並從都大主管所下本殿排辦

一早晚上香合用供養牙盤食茶酒果乞從主管請司排辦并時前奏告合用鹿脯鹿鷄祠祭法酒蠟燭燎草乞下臨安府排辦 一合差奉禮郎太祝太官令各一員乞差太常寺官詔依

二十三日太常寺言安恭皇后几筵徹坐欲乞六月二十六日前後殿不視事百司作歇泊休務假一日詔依几筵徹坐禮儀使時前奏告儀

其日應合赴奏告行事官並服常服守和寧門入詣几筵殿門外幕次俟有司排辦香火等畢備引奉禮郎太祝太官令詣殿下北向立次引禮儀使詣殿下西向立

禮直官贊有司謹具請行事贊者曰拜禮儀使拜在位
官皆再拜訖引奉禮郎詣殿上西向立太祝詣殿上東
向立太官令於酒樽所後北向立禮直官引禮儀使詣
盥洗位搯笏盥手帨手執笏詣爵洗位搯笏洗爵拭爵
執笏升殿詣安恭皇后几筵前酒樽所西搯笏跪執爵
俟太官令酌酒訖執笏興詣几筵前搯笏跪上香再上
香三上香奉禮郎奉幣禮儀使受幣奠幣執爵祭三酒
奠爵執笏俛伏興少立太祝搯笏跪讀祝文訖執笏興
禮儀使再拜訖俱降階復位立禮直官揖躬拜在位官
皆再拜訖退

几筵徹坐文武百僚奠酌儀

其日應合赴奠酌官並服常服守和寧門入詣几筵殿

門外幕次俟有司排辦香火畢備御史臺閣門太常寺
執班入詣凡筵殿門之內外隨地之宜立班定班首再
拜在位官皆再拜訖禮直官引班首升殿詣几筵香案
前搢笏上香再上香三上香跪一奠茶三奠酒執笏俛
伏興降階復位立班首再拜在位官皆再拜訖以次退
宋會要閏七月十八日安恭皇帝后卒九月十日武宗皇帝崩
吉帶赴後殿門外立班進名恭皇帝后卒九月十日武宗皇帝崩
弟夏執中特轉三官新婦神主神主神主神主神主神主神主
濟特補將仕郎二官十一日神主神主神主神主神主神主神主
次金處主太廟俵書題八神主神主神主神主神主神主神主
爭權未安虞主于廟俵書題八神主神主神主神主神主神主神主
并攬官諸侯及應行頓速使以等合該安恭皇帝后皇
例取音于侯自按行頓速使以等合該安恭皇帝后皇
推恩各減磨勳年有銜親軍步軍都指揮使加檢校
保修未結管郭振侍衛親軍步軍都指揮使加檢校
掌符延福宮使四侍衛親軍步軍都指揮使加檢校
十五日安恭皇帝后上僖明皇見安恭皇帝后依節
后典故周恭皇而徽緣孝明皇條具依皇節
朔而典故周恭皇而徽緣孝明皇條具依皇節

三日御知林肇為都大主各六月二十三日禮儀使入內侍
節次今依終節皇太后例已裁并作三節次每節一次
禮儀使依終節皇太后例已裁并作三節次每節一次
差臣入真於几筵先行禮儀使及本家親屬各於前一日
是日入真於几筵先行禮儀使及本家親屬各於前一日
並從兒廷至焚所焚本殿內人並易吉服屬都大主昏
百餘於幾殿門外迎名奉殿行在禁者樂二日樂屬
行次大伴因七日六日給安恭皇后已徹几筵所屬
日百司休務及一月六日給安恭皇后已徹几筵所屬
延殿主官及一月六日給安恭皇后已徹几筵所屬
依節皇及一月六日給安恭皇后已徹几筵所屬
法依人依條回授白身人吏候有各特與轉一官資礙止